



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ervditione Religiosorvm

Humbertus <de Romanis>

Ingolstadii, 1591

VD16 H 5888

4. Commendatio vnitatis.

[urn:nbn:de:hbz:466:1-50980](http://urn.nbn.de/hbz:466:1-50980)

nabiliter, sociabiliter, & humiliter viuis: ordinabiliter tibi, sociabiliter proximo, humiliiter Deo. Et subdit: Sociabiliter, ut studeas amari & amare: blandum & affabilem te exhibere: supportare non solum patienter, sed etiam libenter infirmitates fratrum tuorum, tam morū, quam corporum. Circa sociabilitatem notandum, quod sicut membrum humani corporis coniunctionem sui ad cætera membra naturaliter amat; sicut tremor indicat quem habet, cum separatio sibi imminet, & dolor quem patitur, cum ab eis separatur, vel cum dislocatur: sic frater qui est in congregazione, iuncturam sui cōuenientem ad cæteros fratres debet amare, & separationem vel irordinatam coniunctionem timere: sicut accidentis esse, est in alio esse, sicut membris esse, est cum alio esse. Et sicut membrū naturaliter appetit esse, & fugit non esse: sic naturaliter appetit unitatem cum aliis membris, & timet separationem. Separatum est inutile: oculus erutus inutilis est, similiter & manus abscissa. Sic qui per apostasiam à congregazione separatur, inutilis efficitur: iuxta illud: Homo apostata vir inutilis. Si verò manens in cōgregatione ad fratres male se habet, in dolore vinit: & aliis doloris & turbationis causa existit.

Pro.6.

Commendatio vnitatis.

CAPVT IIII.

CVm vnitatis in congregazione valde sit necessaria, commendanda est, ut ametur: dividenda, ut plenius cognoscatur. Tangendum est etiā de his quæ eam efficiunt, ut ad eam acquisitionem

rendam via sciatur : & de his quæ eam impediunt, ut caueantur. Notandum ergo quòd cùm gratia sit excellentior quàm natura , & Spiritus sanctus, à quo est vnitas sanctæ congregationis, excellentior quàm noster spiritus: corpus etiam mysticum , cuius caput est Christus, nobilius sit corpore humano: vnitas gratiæ corporis mystici multo amplius est amanda & seruanda quàm vnitas naturæ. Vnitas ista multū grata est Deo & sanctis eius, cōgregationi valde vtilis, dæmonibus valde terribilis. Quòd Deo multū grata fit, patet ex hoc quòd doctrina Christi ad eam efficiendam fuit. Qui nō colligit mecum, dispergit. *Matth.12.*
 Christi est colligere, diaboli dispergere. Transi-
 turus de hoc mundo pro hac vnitate deuotè o-
 rauit : Pater sancte, serua eos quos dedisti mihi,
 vt sint vnum , sicut & nos. In passione quando
 membra corporis sui perfodi permisit, tunicam
 qua figurabatur vnitas corporis mystici , scindi
 noluit. Item quòd hæc vnitas multum grata fit
 Deo, patet ex hoc quod dicitur sponsæ: vulnera-
 sti cor meū in vno oculorum tuorum , id est , in
 vnitate cōtemplatiuorum. Vulnerasti, inquam, *Cant.4.*
 vulnere amoris. In tribus placitum est spiritui
 meo, quæ sunt probata coram Deo & hominib⁹. *Eccl.25.*
 Cōcordia fratrum, &c. Quòd hæc vnitas place-
 at sanctis , patet ex hoc quòd tātum ex ea gratu-
 lantur , & tantum ad eam hortantur. Multum
 gratulabatur de ea Paulus, dicens: Implete gau-
 dium meum, vt idem sapiatis, eandem charitatē
 habentes. Ad eam etiā multum hortabatur: Ob-
 secro vos vt idem dicatis omnes : & non sint in *1.Cor.1.*
 vobis schismata. Vnitas congregationi valde

Q 4

est

est utilis. Dum enim ipsa habet unitatem & concordiam, à Spiritu sancto vivificatur & laetificatur: bona eius augentur, ab hostibus non superatur. Sicut membrum corporis humani coniunctum cæteris membris à spiritu creato vivificatur, separatum verò non: sic in corpore mystico, quod est congregatio fidelium, qui habent unitatem ad invicem, à Spiritu sancto vivificantur. Si verò diuisi sint ab invicem, à Spiritu sancto non vivificantur. Diuisum est cor eorum nunc interibunt. Dum membra in corpore mystico unitatem habent, bona eorum augentur & est eis congratulatio de bonis. Sed si sit ibi diuisio discordiæ, desolatio est ibi, & bonorum diminutio. Omne regnum in seipsum diuisum desolabitur. Hieronymus. Quomodo concordia parvae res crescunt, sic discordia maxima res collabuntur. Vbi unitas est, habetur de hosti Victoria: quia secundum Ambrosiū omnis pugna vnanimiter aggressa, victoriam parit. Legitur de filiis Israël pugnaturis: Egressi sunt quatuor unus. Congregatio concors démonibus terribilis est: nec mirum: præsentiam enim Spiritus sancti, à quo est illa unitas, indicat. Singuli etiam quodammodo habent virtutem omnium: & quem unus impugnat, omnes impugnant, & mutuo se defendunt. Congregatio in qua est unitas, est velut murus firmus cum forti cemento, hostibus impenetrabilis: vbi verò deest unitas, est velut murus sine cemento facile corruiens. In tali congregazione videtur impleta illa comminatio: Ierusalem in aceruum lapidum erit.

Oſea 10.

Matth. 12.

3. Reg. 11.

Mich. 3.